

# 卷二十八

書名 錦繡萬花谷後集四十卷  
 嘉靖十五年序錫山秦  
 汴鏞石書堂刊本後修  
 撰者 宋 闕名 撰  
 卷 卷二十八  
 內容分類 子-類書-彙考-宋  
 索書號 大木-子部-類書類-31  
 編號 C5924800



錦繡萬花谷後集卷之四



微陽  
 布罄無不宜和神養素

端月  
 燭寶典云元正端月

傳生  
 唐長安風俗每至元日已後遞飲酒相邀迎號

傳生  
 出法苑珠林

放生  
 鄆以正朝獻雀於趙王而綴以五綵王大悅

申叔  
 子順子順曰正朝放之求有生也 出初學記

膠牙  
 食膠牙錫取膠固之義 出荆楚歲時記

武帝正月賜群臣却鬼丸 出碎事

金門歲節曰洛陽人家正旦造絲鷄蠟燕粉

[彩色首頁](#)

[東洋文化研究所漢籍目錄 編號: C5924800](#)

[東洋文化研究所漢籍目錄所藏漢籍善本全文影像資料庫 索書號: 大木-子部-類書類-31](#)

[漢籍善本全文影像資料庫文本 錦繡萬花谷後集四十卷 嘉靖十五年序錫山秦汴鏞石書堂刊本後修](#)

版權所有: [東京大學](#) [東洋文化研究所](#)  
 使用上的注意事項



之煙霞圓嶠方壺嘯一天之風月○惟皇上帝道之尊  
德之尊凡厥庶民生由是死由是○死生有定子不能  
爲其親私窮苦才深天尚或從於人欲並追薦

錦繡萬花谷後集卷之二十七

錦繡萬花谷後集卷之二十八

寺院

書香集  
王中興  
曹子

三百六十寺

西湖天下景遊者無愚賢淺深隨所得誰  
能識其全三百六十寺幽尋遂窮年所至得其好心知  
口難傳東坡詩

大衆出家寺

在摩竭陀園無憂王造小乘大衆出家寺  
也佛滅後衆多名德比丘皆住雞園

天竺寺

燕山天竺寺詩一山門作兩山門兩寺元從一  
寺分西澗水流東澗水南山雲起北山雲前臺花發後  
臺見上界鐘清下界聞遙想吾師行樂處仙花桂子落  
紛紛本集

山谷寺

舒州皖公山三祖璨大師道場即山谷寺有石



牛洞其石狀牛因以為名錢神同安志云初李伯時畫黃魯直坐於石上魯直因自號為山谷老人

**慈恩寺** 西京雜記西京外郭城朱雀街東第三橋皇城之東第一街進業坊隋無陋寺之故地武德初廢正觀三十年高宗在春宮時報其母文德皇后為之祈福即其地建寺故名慈恩南院臨黃葉竹木森邃為京城之最西院浮圖六級高三百尺永徽三年沙門元奘所立浮圖內有梵本諸經數十匣浮圖前東堦立太宗皇帝撰三藏聖教叙及高宗皇帝述聖記二碑并褚遂良書中和中中書舍人李肇國史補進士既捷列名於慈恩寺塔謂之題名

**清涼寺** 王維好佛故字摩詰性致高遠得宋之間別業

山水絕勝今清涼寺是也

**金山寺** 寺在鎮江府揚子江寺記云金山舊名浮玉唐有頭陀斷手以建伽藍忽一日於江獲金數鎰表聞因賜名金山寺

**招提寺** 六帖云招提寺名增輝記招提者梵言招闔提奢唐言四方僧物後人寫之誤以拓為招又省去闔奢二字只稱招提只今十方寺院是也謝少陵又詩云已從招提遊更宿招提境

**招提寺** 僧史後魏太武帝始光元年創是伽藍為招提之號隋大業中改天下寺為道場至唐復為寺梵語題云

**總持門** 秦少游長老疏云往開大總持門以繼錄迦羅

或云僧伽羅摩此云衆園園者生植之所佛弟子居之取生植道本聖果之義也或云毗阿羅此云遊止處



眼

**金田** 或云金地即舍衛給孤長者倒布黃金買祇陀太子園建精舍諸佛所居之處也

**蓮龕** 杜甫謁文公廟禪龕只晏如

**花龕** 劉長卿詩松路向精舍花龕歸老僧

**金刹** 西京雜記以黃金為刹杜詩金刹青楓外朱樓白

水邊

**刹柱** 梵云利瑟故此云竿今峇名刹即幡柱也沙門得一法者便當建幡告還 要覽

**鴈峯** 昔有比丘見羣鴈飛翔忽有一鴈投下自殞眾曰

此鴈垂戒宜旌彼德於是瘞鴈建塔 西城記

**毗舍離** 於大林為佛作堂形如鴈字一切具足 要覽

**後鐘** 唐王播少孤貧客揚州惠照寺木蘭院隨僧齋

食久而厭怠乃齋罷擊鐘後二紀播自重位出鎮是邦

因訪舊遊向之題名皆以碧紗罩之播繼題二絕云三

十年前此院遊木蘭花發院新修如今再到經行處樹

老無花僧白頭○上堂已了各西東慚愧闍黎飯後鐘

三十年來塵撲面而今始得碧紗籠 據言

**石甕寺** 長安志驪山上有石甕寺朝元閣等唐明皇時

津陽門左右有石甕故鄭愚詩石甕品底百尋井銀牀

下卷絲綆遲

**方丈室** 舍龜國有維摩故宅唐顯慶中王玄策因向印

度過淨名宅以笏量基止有十笏故號方丈室

**馬繞塔** 天竺國有伽藍名招提其處大富有惡國王



利於財將毀之有一白馬繞塔悲鳴即停毀自後改招  
提爲白馬諸處多取此名焉金唐高僧傳

**二梵之福**阿含經世尊說若能補故寺是謂二梵之福

**神龍佛祠**裴延齡造神龍佛祠須材五十尺者延齡妄

奏同州得大谷木數千章度皆八十尺

**天雨花**大同坊雲花寺大曆初僧儼講經天雨花至地

咫尺而滅夜有光燭室勅改爲雲華酉陽雜俎

**詩**野寺江天豁山扉花竹幽○野寺殘僧少山園細路

高○雲薄翠微寺天青皇子陂○寺憶曾遊處橋憐再

渡時○花濃春寺靜竹掃野池幽杜汲水僧歸林下

寺待船人立渡頭沙糖亂飄僧舍茶煙濕密洒高樓酒

力微嚮扁舟又截平湖去欲訪孤山支遁林○欲窮風

月三千界願化天人百億軀金東南朝古寺幾僧在北

嶺空林惟鳥歸莎徑晚煙凝竹塢石池春色染苔衣龕

樹影中流見鐘聲兩岸聞張三間茅屋無人到十里松

門獨自遊積五度金蓮出世來法堂重向石泉開水邊

猿鳥尋前侶石上松杉認舊栽黃印使君精曉供紫雲

禪客立香臺人傳朱頂千年鶴昨夜遼東柱上回城石

寺黃葉前朝寺無僧寒殿開池晴龜出曝松暝鶴飛回

古砌碑橫草陰廊畫雜苔禪宮亦消歇塵世轉堪哀空

曙隔窓樓白鳥似與鏡湖隣月照何年樹花逢幾世人

岸莎青有路苔逕綠無塵願得依容止僧中老此身鱸

二三疎竹夏無暑一兩殘僧晝掩門蘇僧依白玉鏡中

住人在金鰲背上行金海邊樓閣梵王家一水橫



橋一路斜密竹弄風敲壁玉惟松摩日起龍蛇巖猿繞  
檻偷秋果石鼎臨窓煮露芽中有高僧倦迎送白頭無  
事老煙霞○紅簷青瓦院西隅隔斷塵寰一事無兔弄  
半光來佛案月收斜脚入茶爐簾垂講磬秋聲遠門掩  
吟燈夜影孤見說虎溪流水急不勞禪侶酒重沽並城  
不到峯前寺空來渭上村此亭聊可喜修徑豈辭捫谷  
映朱闌秀山含古木尊路窮驚石斷林缺見河奔馬困  
嘶青草僧留薦晚殮○山僧豈知此一室老煙霞並東  
空潭聞鹿飲疎樹見僧行○野寺垂楊裏春畦亂水間  
○樹密當山徑江深隔寺門霏霏雲氣重閃閃浪花翻  
不復知天太空餘見佛尊時應清盥罷隨喜給孤園並  
望兜率澗竹欲萌煙蕨菜不妨招餠野僧家從今相遇

幾日事更試南窓穀雨茶○誰憶僧窓岑寂處衣寒庭

際月清光○梨花雪白柳條青山寺樓臺展翠屏○古

寺長廊院裏行雲房處處稱幽情明窓淨榻無人到臥

聽春禽百種聲並江宿雨初收草木濃羣鴉飛散下堂

鐘長廊無事僧歸院盡日門前獨看松鱗身寂心成道

花閒鳥自啼細泉松徑裏返照竹林西皇甫清晨入古

寺初日照高林竹徑通幽處禪房花木深常建鳴磬夕陽

盡卷簾秋氣來名香連竹徑清甃出花臺韓松竹間僧

老雲煙晚日和寒塘歸路轉清磬隔微波李嘉薄暮綠

西峽停橈一訪僧鷺巢橫臥柳猿飲到垂藤水曲巖干

疊雲重樹百層山風寒殿磬溪雨夜船燈韞寺門高開

洞庭野殿脚插入赤沙湖五月寒風冷佛骨六時天樂



朝香爐地靈妙雪山草僧寶入滄海珠塔劫宮牆壯麗  
敵香厨松道清涼俱蓮花交響具命鳥金榜雙迴三足  
鳥○傳燈無白日布地有黃金杜名山極歷覽勝地殊  
留連幽崖聳絕壁洞穴瀉飛泉金河知證果石室乃安  
禪夜梵聞三界朝香徹九天山階步皎月澗戶聽涼蟬  
江撫雲表金輪見簷端畫拱明塔疑平地涌蓋似積香成  
巖層臺聳耳靈鷲高殿邇陽鳥暫同遊閬苑還類入仙都  
三休開碧題萬戶洞金鋪攝心磬前禮訪道把中虛遙  
瞻盡地軸長望極天隅白雲起梁棟丹霞映拱櫺紹德

佛祖

**金棺內現雙足**第一祖迦葉世尊入般涅槃迦葉至雙  
林樹間悲戀號泣佛於金棺內現雙足

**五百仙人至**第二祖阿難梵語阿難陀此云歡喜如來  
阿闍王見阿難於常河中流將入滅雪山五百仙人飛  
空而至阿難為說法須臾五百羅漢為諸仙人出家受  
具阿難踊身虛空作十八變

**注十七身十七**第三祖商那和修者化緣既久得優波  
迦多為給侍因問曰汝年幾耶荅曰十七師曰汝身十  
七耶性十七耶荅曰師髮白耶心白耶師曰我但髮白  
非心白耳迦多曰我身十七非性十七也和修知是法  
器遂為落髮偈曰非法亦非法無心亦無法說是心法  
時是法非心法

**三化等**第四祖優婆塞多隨方行化魔宮震動波  
旬竭力以害正法密持瓔珞伺尊者入定縻之于頸尊



者取人狗蛇三屍化為華髮以酬波旬大喜引頸受之即變三種臭屍波旬盡其魔力不能移動四祖化導最多每度一人以一籌置石室縱十八時廣二十時充滿其末後得提多迦乃付大法眼藏並景德傳燈錄  
**寶山泉涌**五祖提多迦初生夢寶山泉涌日從屋出照曜天地四祖曰寶山者身也泉涌者法無盡也日從屋出者入道之相也照曜者智慧超越也

**願唐甘露味**七祖婆深蜜者忽一智者自稱難提曰與師論義師曰仁者論即不義義即不論若擬論義終非義論難提知師義勝即曰我願求道露甘露味

**處胎六十歲**九祖伏馱密多有長者携一子來曰此子處胎六十歲因號難生

**龍魔隨滅**十二祖馬鳴大王忽見女子說偈曰稽首長老尊當受如來記今於此地上宣通第一義師曰將有魔來即一金龍震動山嶽師儼然於坐魔事隨滅遂復本形曰我名迦毗魔羅化巨海極為小事師曰汝化性海得否曰我未嘗知師云山河大地皆依建立三昧六神通由茲發現迦毗遂發信心與徒眾三千俱求剃度師乃付法

**蟒住石室**十三祖迦毗摩羅入山逢大蟒盤繞師身師受三歸依蟒化為素服老人曰我昔為比丘有初學數來請益我煩於應答起嗔恨想命終墮為蟒身住是石窟千載適聞戒法故來謝耳又曰北有大樹蔭覆五百大龍樹王名龍樹為龍眾施法尊者即與度脫



夢吞明珠而孕 二十一 祖婆修盤頭其母初夢吞明暗  
二珠而孕有一羅漢曰汝當生二子一即祖師一即芻  
尼

關手奉珠 二十四 祖師子比丘有長者引童子見師曰  
此子當生便奉左手今既長矣終未能舒願聞宿因師  
即以手接曰還我珠來童子遽開手奉珠師曰吾前為  
僧有童子婆舍吾赴西海齋受觀珠付之今見還矣遂  
為法嗣

百鳥銜花 金陵牛頭山法融禪師少通經史歎曰儒道  
世典非究竟法般若正觀出世舟航遂投師落髮入牛  
頭山有百鳥銜花之異 並傳燈錄

浮圖名議

釋迦佛生刹刹王家放大智光明照十方世  
界涌金蓮花年十九欲出家夜有天人名淨居於牕牖  
中叉手曰太子言出家時至乃於檀特山中修道鬱頭  
藍佛處學非非想於二月八日明星出時成佛號天人  
師住世四十九年將金縷僧迦黎衣傳法與摩訶迦葉  
說無常偈曰諸行無常是生滅法生滅滅已寂滅為樂  
諸弟子以香薪茶毗之燼後金棺如故高七多羅樹往  
返空中化火三昧得舍利八斛四斗世尊滅後一千十  
七年末平中教至中夏

安心偈 慧忠禪師有安心偈曰人法雙淨善惡相忘直  
心真實菩提道場

臥輪偈 臥輪禪師偈云臥輪有伎倆能斷百思想對境



心不起菩提日月長六祖曰此偈未明心地因作偈曰  
慧能沒伎倆不斷百思想對境心數起菩提作麼長

**饑來喫飯困來眠**大珠慧海禪師或問和尚修道如何  
用功師曰饑來喫飯困來即眠曰一切人總如是同師  
用功否曰不同他喫飯時不肯喫飯百種須索睡時不  
肯睡千般計較所以不同也

**枯木偈**大海山法禪師有偈曰摧殘枯木倚寒林幾度  
逢春不變心樵客遇之猶不顧郢人那得苦追尋

**兩虎侍者**潭州華林善覺禪師觀察使裴休訪之問有  
侍者否師曰有一兩箇乃喚大空小空二虎自菴後出  
師曰有客且去二虎咆哮而去休問作何行業感得如  
斯師曰山僧常念觀音

**師曰家曲**首山省念禪師有僧問師唱誰家曲宗風  
嗣阿誰師曰少室巖前親掌視僧曰更請洪音和一聲  
師曰如今要得大家知

**選佛場**丹霞天然禪師初習儒將應舉道遇一禪客問  
仁者何往曰選官去禪客曰選官何如選佛曰選佛當  
往何所曰江西馬大師出世此選佛場也師往見馬祖  
乃令參南嶽石頭

**雲在青天水在瓶**藥山惟儼禪師朗州刺史李翱問如  
何是道師曰雲在青天水在瓶翱作偈曰鍊得身形似鶴  
形千株松下兩函經我來問道無餘話雲在青天水在  
瓶翱問如何是戒定慧師曰太守欲保任此事直須向  
高高山頂坐深深海底行閨閣中物割捨不得便為滲



漏師一夜登山大笑翺贈詩曰選得幽居愜野情終年無送亦無迎有時直上孤峯頂月下披雲笑一聲

**日遺十餅**龍潭崇信禪師賣餅家子也悟和尚居天皇寺師日以十餅遺之悟嘗留一餅曰吾惠汝以蔭子孫師自念曰餅是我持來何反遺我遂問焉悟曰是汝持來復汝何咎師曉玄旨遂請出家一日問心要悟曰任性逍遙隨緣放曠但盡凡心無別勝解

**切忌道着**道吾山圓智禪師藥山問何處來曰遊山來藥曰速道將來曰山上烏兒白如雪澗底遊魚忙不徹藥山曰智不到處切忌道着師見雲巖不安曰離此巖涌子向甚麼處相見巖曰不生不滅處相見師曰何不道非不生不滅處亦不求相見

**辨愚癡齋**良价禪師既坐化其徒號慟師復開目曰勞生息死於悲何有召主事僧令辨愚癡齋一申責其戀情延至七日食具方畢端坐而逝

**路逢猛虎**雲居禪師道簡有僧問路逢猛虎時如何師曰千人萬人不逢偏汝便逢問孤峯獨宿時如何師曰閒著十間僧堂阿誰教汝孤峯獨宿

**汝不是我同流**天台寒山子以樺皮爲冠曳大木屐時來國清寺就拾得取衆僧殘食菜滓食之豐干禪師曰汝與我遊五臺即我同流若不去非我同流曰我不去豐干曰汝不是我同流寒山却問去五臺作什麼曰我去禮文殊寒山曰汝不是我同流

僧



船子和尚華亭船子和尚於華亭吳江泛小舟時號船

子和尚

**和尚家風** 守清禪師有僧問末後一句師曰塵中人自  
老天際月常明問如何是和尚家風曰一瓶兼一鉢到  
處是生涯問佛法大意曰擾擾匆匆晨雞暮鐘

**扶荷布囊** 布袋和尚形材腴腴感額皤腹以杖荷一布  
囊供身之具盡貯囊中入市見物輒乞或醯鹽魚菹纔  
接入口分少許投囊中白鹿和尚問如何是布袋師便  
放下布袋又問如何是布袋下事師負之而去

**臨刑偈** 僧肇法師遭秦主難臨刑偈曰大元初無主五

陰本來空將頭臨白刃猶似斬春風

並傳燈錄

**取蓮花勿取臭泥** 高僧傳鳩摩羅什姚主以妓女逼令

舌山色豈非清淨身夜來八萬四千偈他日如何舉似

人○碧玉盃盛紅瑪瑙井花水養石菖蒲也知法供無

窮盡試問禪師得飽無○問禪不契前三語施佛空留

丈六身老去山林猶夢想雨餘鐘鼓更清新○薦福老

懷真巧便淨慈兩本更尖新憑師爲作鐵門限準備人

間請話人○優鉢曇華豈有花問師此曲唱誰家已從

子美識桃竹更向安期覓棗瓜宴坐林間時有虎高眠

粥後不聞鷓鴣勝遊自古兼支許爲採松脂寄一車○騎

驢覓驢真可笑以馬喻馬亦成癡一天月色爲誰好二

老風流各自知煉塵機息盡一真僧惟有林泉捨未能

蓮社故人今暫別稽山舊隱與誰登時清豈覺前遊改

道勝寧辭白髮增遙羨高齋吟望處孤雲野鶴是親朋



徐騎去路餘千里行行雪灑衣諸峯何日別一錫犯寒  
歸夜宿誰聞磬晨齋自採薇遙知到禪宇猿鳥共開扉  
孫漢

**神威**不測早回從物之仁佛力無邊願效知恩之  
報○天道雖遠其聽甚甲神居無方有求必應○如來  
大藏起於四十二章過去妙心流出萬二千卷○龍天  
釋梵水陸空行遊戲神通恭敬圍繞○是觀非觀如水  
中月是音非音如谷中聲○廣上中下三乘之教化千  
百億無量之身○輒具蘋蘩之薦仰伸葵藿之心○瞻  
玉毫之妙相啓具葉之真文○啓龍宮之華藏建鷲嶺  
之道場陳金刹之淨筵敷竺乾之妙道○願行行坐坐  
歸依佛歸依法歸依僧觀世生生遠離財遠離酒遠

**離色**

並通用

孫又生兒乃有移山之志老而無子難忘濟

壑之憂輒伸一念之微仰叩九重之邃○願惟灰陋實

忝繼承雖憑祖考之休未衍子孫之慶○達旦炷香望

高禱而致禱迎春剪綵詣聖母以投誠粲然蘭陰冀回

守戶之春籍甚具文爰謹柏庭之薦○願回昭鑒俯納

虔誠策登九寸遇老嫗之授符列環四枚感黃衣之獻

玉籙並祈素非丘禱立動九重申以齊禳僅述再謹○衆

生困苦之中但知呼佛諸聖慈悲之故常善救人惟羅

漢之慈悲受釋迦之付囑○惟祈禳之有典非妙湛之

罔依既不勝於幽悃輒仰叩於真乘○延供十方之衆

袂除六疾之災指日有瘳介祥無量○養生無術嬰疾

有年冀消多劫之愆須伏一乘之教清淨少惱常居福



德之鄉安樂延年重觀昇平之世並禱如快如焚正渴  
雲霓之望是穠是藜又懼旱暵之憂○慧雲垂潤本無  
間於群生旱氣為妖慮有傷於百穀金風扇德品彙收  
功火日揚暉歷旬不雨澤既愆於久望功將壞於垂成  
○慈悲救物立願弘深方便濟人運心廣大倘竭至誠  
之懇必彰善應之功○矧此邦膏澤之久愆豈我佛深  
仁之弗顧慧雲遍施法雨普沾回此亢陽錫之甘澤○  
油然作沛然下遂成三日以為霖陰無伏陽無愆未聞  
四月之不雨○風淒淒雨祈祈不失三時之務苗芄芄  
稷藟藟式寬千里之憂並祈害粢盛而作淫雨方以為  
憂披雲霧而覩青天伊誰之力○天多淫雨將中敗於  
西成民有肅心敢上干於北極願幹回天之力潛施馭

日之功○破頑陰於四極瑩麗日於九霄○開昱晝昱  
夜之輝式蘇萬物發如砥如京之詠爰慰三農佛日當  
空肅群陰而屏伏秋風歛穰慶萬畝以收成並祈苦海  
彌天佛為彼岸業風鼓蕩法是慈航○父嚴遽棄愴已  
改於新年母慈大違痛又臨於諱日死生分定應同露  
電之觀父子情鍾尚懷駒犢之愛○昔嘗逮事荷莫報  
之劬勞今屬諱辰未忘哀於冥漠是故諸佛開衆生方  
便之門自然一念證無上菩提之果○人生易失俄經  
六七之光陰佛慧難窮願照三千之世界○屬臨諱日  
敷宣多貝葉之文祇叩真乘瞻禮仰蓮花之座○夜臺  
寂寂幽明遽隔於七旬法界恢恢煩惱頓超於六道○  
感天棘之甚勞嘆蓼莪之罔報○痛惟罔極之恩爰設



無遊之會○聞圓音於玉毫之前受祕籙於瓊章之上  
佛土三千界親禮世尊玉京十二樓遍遊仙境○受生  
樂國咸知先佛之言餘慶流宗永錫後昆之慶並薦

錦繡萬花谷後集卷之二十八





